



# Jekuaeño broncerä yaiko

Alejandro Enrique Numbela Rodríguez

Ikaviä kuae yemboerenda, jokoraiäko aiko irupe yave. Yavaete yemboe peguarä che, mbaeti kea mbae jei cheve. Jokope, oime teko avai yave, jaemaiko yayopi yivape; erei kuape, chepuereä amae yepe jese reta. Matirai ndive mbaetpi mbae, erei jokuae Roberto chemoambeko chejundai ramo. Koombara, royovaicho yuvangape “C” reta ndive yave, jokuae mburika ndechi jare iñeiru reta, machirami omojaa reta oiko. Imaima chemoambeko reta tee ikavi mbae ndive: Tatapii, Tirupuku, Túpac, Nigga, Ñanaigua ani Mimba. Karumbo irügie aipotama amboarakuaa yivape, akuatama jese iñapuä-puäre yave, jese katu yemboe renda iyangarekoa chepokou. Jokuae yekatu! Kuri outako aipo chesi oyemongueta mburuvicha yemoboe randa pegua ndive, yaecha chemboä paravete.

Yemboatigui roëma yave. Jokoperamo aikuaa, kuae Mburuvicha okiyerai yepe, chemiari chupe kuae reta kereïko jeko chendive. “Iñenguru, ondivu chere reta, amope oipta oñomi mbae chegui reta”, ereï katu, okiyemi Roberto ituti oparaviki yepe SEDUCApe, ombavimi yave omombo retata iparavikiagui. Jae jei oreve mbaetima oï Mburuvicha ñima, “iparaviki kaviä ramo”; ereï, opaete roikua jae oïke oparaviki ombori reta ramo. Ereï katu, mbaeti omboete roe chupevae jare omomburu chesi, jovayuguaru reve omae jese jemimondere: “nde membi ombaviye yave, kuae yemboerendape, mbaetitama guinoy yembori, rombombota jare che etei jaeta aniarama omaeño oyemboe ñru yemboerenda rupi”, iñeata jokua yaimba poyavaete. Aporepeñatako iyaseore chesi oyaeoa yave. Aikuäva jaema rojo.

Yei ndeimbove yogueru mbaeriru angarekorero reta. Oimeako ojo reta che rëta rupi, oporoyuka retaa rupi, jokua akiriya reta oremboavai guasuiño oimechako roguinoy mbae ikavimbae vae, kesirai ani aguáriete. Imonda vae rami ore mbaeosa reta. Opaete che rami jundai vae retare, ore churi rupiave opovivi reta, michi oata orereikuapoë vaerä, añetete mbaetira mbae ikavimbae roguinoy vae. Osaetema! ereï ipireyu vae retare, iñeembirika ave mbaeti oiporu chupe reta, mokoi arajaimi oipeka imbaeriru jare ojo sundaro pochi reta.

Ereï oporomböe vae reta, michimi yepe, cheraiu paraete. Chereia pochiño ayemböe vaerä, ereï joko ropiäko ojo teko. Röe roputu yave, aechai oreangarekoa omuimbae öi, kia oipota chenupa yave. Aporomuaña rupive, ayepi vaerä yave, koïma öi pochi chegui. Mburuvicha yemboe pegua joko öi avaeete, oikua mbae ramiño, ereï arapöape chepiaguasuama. Ayepokuama aiko aroviäma vae, chekua retama jaema opaño mbae jei cheve reta, ayandui Llano pochi iñee: “ndesi jaeko koya maeineu vae”. Aikua reve oreangarekoa pochi cherecha öi vae; añoño kavi chechiva piü, ayerova chupe jare akua jese, ani vaerä iñakañi.

Traducción: Elías Caurey Caurey

